

無師自通 江湖醫術祕傳目錄

上海國醫學社編輯

卷五 痧症科 卽痧氣目錄

上編 痧症原因

痧分經絡
痧看涼熱
痧症脈理

中編 治痧手法

焯法 刮法 刺法
痧症食忌
痧症食宜

下編 對症療法

暑痧 風痧 瀉痧 吐痧 瀉痧
斑痧 陰痧 陽痧 悶痧 紅痧
緊痧 慢痧 暈痧 暗痧 瘟痧
滿痧 瘋痧 銅痧 鐵痧 痧塊

絞腸痧 抽筋痧 落弓痧 噤口痧
蛔結痧 羊毛痧 羊筋痧 撲蛾痧
角弓痧 脫腸痧 紫疔痧 血沫痧
身重痧 遍身腫脹痧 心煩嗜眠痧
遍身青筋痧 霍亂痧 痧痢 傷寒兼痧
頭痛痧 心痛痧 腰痛痧 小腹痛痧
流火流痰痧 頭眩偏痛痧 痰喘氣急痧
半身不遂痧 腫目怪痧 痧變發斑
痧變膨脹 痧變癆瘵 內傷兼痧 弱症兼痧
老病兼痧 痧後胸隔痛 痧後牙疳 婦女倒經
痧 胎前痧痛 胎後痧痛 小兒夾驚痧
痘前痧脹 痘後痧脹 瘡症兼痧
導症救急祕方

刮痧法

針灸法

如聖散

法療辟瘟丹

加味活命飲

六一散

腹痛治法

無師自通 江湖醫術祕傳

上海國醫學社編輯

卷五 痧症科(即痧氣)

上編 痧症原因

痧者厲氣也。入氣分則作腫作脹。入血分則為蓄為瘀。遇食積痰火。則氣阻血滯。先吐瀉而後心腹絞痛者。其痧從穢氣發多。先心腹絞痛而後吐瀉者。從暑氣發者多。心胸昏悶。痰涎膠結。從傷暑伏熱發者多。遍身腫脹疼痛。四肢不舉。舌強不言者。從寒氣潛伏過時鬱為火毒而發者多。

▲痧分經絡

腰背頭頂連及風府脹痛難忍者。足太陽膀胱經痧。
兩目赤腫。唇乾鼻燥。腹痛如絞者。足陽明胃經痧。
脇肋腫脹痛連兩耳者。足少陽肝經痧。
腹痛板
痛。四肢無力。泄瀉不已者。足太陰脾經痧。
心胸吊
痛。身重難移。作腫作脹者。足厥陰肝經痧。
痛連腰

腎。小腹脹硬。足少陰腎經痧。咳嗽聲啞。氣逆發喘。
手太陰肺經痧。半身疼痛麻木。左足不能屈。伸。
太陽小腸經痧。半身腫脹不能俯仰。右足不能屈。
伸。手陽明大腸經痧。病重昏沉。狂言不省人事。手
少陰心經痧。忽醒忽寐。或獨自發言。手厥陰心包
絡經痧。胸腹熱脹。揭去衣被。乾燥無極。手少陽三
焦經痧。後附十二經絡表。

手足太陽膀胱 陽明胃 少陽胆
手足少陰腎 太陰脾 厥陰肝
心 肺 脾 肝 心包絡

▲痧看涼熱

痧犯太陽則頭痛發熱。犯少陽則耳旁腫脹。寒熱往來。犯陽明則面目如火。但熱不寒。犯太陰則腹痛。犯厥陰則小腹或胸脅痛。犯少陰則腰痛。以上皆身涼。

犯肺則咳嗽痰喘微熱甚則鼻衄犯心則心痛心脹頭額冷汗如珠身則或熱或涼犯膀胱則小便溺血甚則身熱犯大腸則痢下膿血重則嘔吐身熱犯肝則沈重不能轉側肺熱內熱甚則吐血犯三焦則熱毒內攻口渴便結 痧症氣壅發熱若誤為外感傳經熱症治以發汗溫飲必致輕症變為重症蓋外感之脈浮數而緊熱症之脈洪數有力痧脈多微緩細澀見後倘辨不準確須看痧筋有無辨之

△痧症脈理

痧脈多微緩細澀有時弦數縱浮大亦虛而無力疾徐不論時或六脈俱伏亦無妨痧退脈即漸還如頭痛壯熱脈應洪實而反微遲者痧也厥冷不語脈應沈細而反滑數者痧也脈症不符便舍症從脈診痧脈微細者生實大急數者重洪大無倫者凶一部無脈者輕一手無脈者重兩手無脈者死六脈無根及諸怪脈見而放痧服藥不應者不治痧有氣塞者

喘脹嘔噦脈必洪數屬陽有氣閉者口噤目翻脈必沈伏屬陰有血熱者面赤炕燥脈必實大屬陽有血阻者腰痛肢腫脈必緊牢屬陰有痰塞者嘔吐垂涎脈必弦滑屬陽有痰厥猝倒遍身青筋者脈必細微屬陰總之陽痧則生陰痧則死

急痧昏迷先觀唇舌色黑者凶色黃者重淡紅者略輕一知內熱黑知熱極淡紅輕熱用藥不宜太冷按痧症病原不僅上列數種以外更有分表裏論吐下及解痧症白虎病等之治法參看本書局出版之萬病驗方大全

中編 治痧手法

手法為治痧惟一秘訣但須辨明穴道研究焯、刮、刺三種手法方可收手到病除之效用

【焯法】凡痧初起尙在肌表以燈照之隱隱肌膚間且慢焯俟其發出皮膚上如被蚊咬粒如瘡狀殊密不等更有發過一層經發兩三層者若用焯法須看頭額及胸前兩邊與腹上及肩膊等處認定

發出之紅點。以紙燃條。或大燈草蘸香油。點燃粹之。微聞爆響。猝畢。便覺胸腹寬鬆。痛亦隨滅。

【刮法】痧在膚裏。發不出者。則用刮。其法用銅錢或碗口。其邊須光滑無破缺。蘸菜油。遍刮背脊頸骨上下。及胸前脇肋兩肩臂彎等處。若在頭額項後兩肘臂膝腕間。當用棉紗線或苧麻繩蘸油。覓見紅紫血點起方止。若為大小腹軟肉內痧。用食鹽以手擦之。刮出紅紫色痧點。病即告痊。

【刺法】刺法即是放痧。俗稱挑痧。實則砭法之遺意也。古言東南卑濕。利用砭。以針刺破毒血。即砭道。亦即是。刺法。刺痧當用銀針。取其銀性無毒。蓋痧重者一氣。鐵氣其毒難解。故鐵針不可用。銀針宜多備。或長或短。方敷應用。刺有一定穴道。計共十處。列表於下。

頭項心百會穴。此穴不可緊刺。被挑破表皮。略見微血。以洩毒氣。印堂頭痛甚者。用針鋒微微入肉。不可深入。兩太陽穴。太陽穴痛甚者。用針刺。

入一二分。舌下兩旁。患急喉風。喉蛾。痧當刺之。急速吐去惡血。不可咽下。咽中兩旁。惟遇蝦蟇大頭瘟。宜用針鋒輕刺。兩乳乳頭。垂下盡處。是穴。此處不宜多用。當看青筋在乳上下者。刺之。手十指。頭用他人兩手。拗下。不計遍數。捏緊近脈處。刺十指出血。又法。以線扎十指頭。刺指背近甲處。出血。語云。針刺手足。不如針刺指頂。為妙。惟勿過近指甲。令人頭眩。足十指頭。刺法。與手十指頭相同。兩肩臂彎中。名曲澤。腿彎中。名委中。先蘸溫水。拍打其筋。自出。然後迎刺。兩腿彎細看腿彎上下前後。有細筋作深青或紫紅色者。名痧眼。即迎其來處。刺之。如無青筋。用熱水拍打腿彎。直刺委中。此穴可刺入寸許。惟腿上下大筋。不可刺。刺亦無血。反令人心煩。腿兩邊硬筋。不可刺。恐令筋吊。

凡腿臂彎有痧筋現者。毒入血分。宜刺不宜藥。痧筋乍現乍隱者。毒入氣分。俟其顯現而刺。微現乃毒阻。

氣分尙未外達。治宜通腸胃。痧筋自見。至伏而不見者。必從脈症辨之。血則散。食則消。痰積則驅。其結既解。而筋復現。然後如法刺之。可收事半功倍之效果。

痧筋或見數處。或一處。宜從速刺去。惡血使痧毒盡洩。自無後患。倘不急刺。誤飲熱湯。痧筋反深。隱不現。雖略現亦刮放不出。急飲冷水解之。隨手刮放。如痧氣爲食積所阻。刮刺不出者。當先消食積。而再刮刺。熱極血凝。瘀阻胸腹。刮刺不盡者。當先散瘀血。而再刮刺。痧發兼感惱怒。傷肝作脹。刮刺不盡者。又當先用破氣藥。而再刮刺。如此則痧毒皆消矣。

▲痧症食忌

語云。餓痧飽痘。痧症最忌。這熱湯膩粥。初愈驟多飲。食立能變重。如痧氣壅阻胸膈。卽十日八日不近飲食。亦無妨。輩唯油膩。更爲切忌。以爲雜食之禁忌者。甚多。患者都不自知。食而變重。茲將食忌諸物列下。生薑（痧所大忌。勿作藥引）圓眼大棗（均忌作藥引）辣耆老胡椒煙茶火酒醋麵素粉麵筋糯米

糰粽、豬羊肉、鷄、魚、葱、蒜、芥菜、瓜、茄、水紅菱、糖食、桃梅、李、杏、發痧時。若飲熱湯、熱酒、熱粥、湯。輕者必重。重者必危。吃米食諸物。恐日久變成痧塊。難於救治。更忌用熱湯洗浴。愈洗愈將毒氣趕入腹中。

▲痧症食宜

食鹽（解痧毒。定痛。鹽夾新食。服鹽湯卽能吐去。）黑砂糖（活瘀血。解痧毒。凡瘀血作痛者。服之卽安。）芋艿（治痧熱。解痧毒。發痧者。生食之。甘美。）橙、苾湯（口渴者飲之。作藥引亦可。）蘿蔔湯、山查湯、蘆粟湯、蘆柴根湯、荸薺、百合藕、西瓜、待痧痛退止。方可近炒米湯、清水米粥等。亦宜冷飲。少許。否則食後復發。陳大麥粥最宜。至於藥宜藥忌。不勝枚舉。祇可擇要言之。凡痧氣阻寒。作痛作脹。用荊芥防風之類。從中而消。枳實大黃之類。從表而散。青皮陳皮之類。從大便而下。木通澤瀉之類。從小便而行。查菊之類。治食阻。紅花銀花之類。治血壅。檳榔莪朮之類。無食積血瘀。而痧氣壅甚者。藥須冷服。有食積而無血。

瘵者稍冷服。毒盛而血瘵者微溫服。微溫者七分冷。微冷者八分冷。稍冷者九分冷也。又當知痧症無補法。凡參芪、白朮、山藥、甘草、熟地、白芍、附子、肉桂、吳茱萸、五味子、木瓜、升麻、麻黃、肉蓯蓉、巴戟等皆痧症所大忌。杜仲、補骨脂、枸杞子、即腰痛亦不可用。凡治吐症用半夏、藿香者頗多。惟痧症作吐不可用。因半夏性燥，須防益助火邪。霍香防其阻滯痧毒。倘發痧而夾有食積血瘵者，誤用此二味以止吐，反有閉門逐盜之憂，是所大忌。

下編 對症療法

痧之病原不盡屬六氣七情，或因飢飽勞逸，或為穢觸疫染，皆可成痧。痧無定脈，凡脈與症不應者，即為痧脈。亦無定症，不論風食勞痰，而以本症治之，不效者皆痧症也。

【暑痧】頭眩惡心，自汗如雨，脈洪拍拍，上吐下瀉。痧或緊或慢，是名暑痧，宜用藥治香薷、薄荷、連翹各一錢，木通、銀花、紫朴各七分，加水煎服。如暑脹

不已者，用藟子、香薷、山查、紫樸、枳殼、陳皮、青皮、紫蘇各等分，水煎去渣，待冷服。如汗多者，去紫蘇，以外如六一散（處方見痧症羣方欄）亦可服用。

【風痧】感受時氣而成，頭痛腿痠，身熱自汗，咳嗽腹痛，治法以疎風為主。先行刮痧，隨用荊芥、防風、細辛、枳殼、陳皮、旋覆花各等分，以水兩杯煎七分，稍冷服（即九分冷也）。如頭面腫，加薄荷、甘菊、手足腫，加牛膝、威靈仙、銀花、口渴，加花粉、嘔吐不止，加重便，內熱，加知母、連翹、痰多，加貝母、薏仁、寒熱，加柴胡、獨活、血滯，加茜草、丹皮、腹脹，加大腹皮、厚朴、食積腹痛，山查、藟子、穢觸，加薄荷、藿香。放痧不出，加蘇木、桃仁、倍荊芥、細辛。以上藥量隨症候重輕酌定多寡。

【癘痧】滿身腫脹，面色塵黑，身有黑斑，毒在臟腑，氣滯血凝，以致疼痛難忍，宜用蘇木、延胡、五靈脂、天仙子、藟子各一兩，三稜、莪朮、薑黃、陳皮、檳榔、枳實、厚朴各七錢，烏藥五錢，香附四錢，沈香三錢，降香

三錢。阿魏二錢。各藥研極細篩淨。水糊為丸。如棗
荳大。每服十五丸。砂仁沖湯。稍冷送服。

【吐痧】湯水入口即吐。研伏龍肝。泡水澄清飲。伏
龍肝即多年灶心土。須對釜臍下專燒稻草。燒煤
者不可入藥。并以此水煎藥。方用山查、連翹、枳
殼、延胡索各一錢。薄荷七分。藿香四分。香附四分。
冷服。

【瀉痧】水瀉不計遍數。治法既不可下。又不可止瀉。
惟有分理陰陽。方用加減五苓散。豬苓、茯苓、澤瀉、
蒼朮、米、甘水浸車前木通各等分。水煎服。

【斑痧】頭眩眼花。惡心嘔吐。身有紫斑。痧在血肉。急
用刮放。遲則入裏。生變。刮放後宜用花粉、丹皮、薄
荷、地骨皮、山梔、元參、細辛各等分。水煎稍冷服。

【陰痧】腹痛手足冷。宜焯。或因穢觸而起。宜用山查、
連翹、枳殼、延胡索各一錢。薄荷七分。藿香、香附各
四分。水煎待冷服。

【陽痧】腹痛而手足暖。或刮或刺。俱有神效。或因鬱

氣不通。宜用荆芥、防風各一錢。連翹八分。陳皮八
分。青皮八分。川芎三分。加水煎。稍冷服。如食不消。
加山查、葡萄子。有積加檳榔、痰多加貝母、荆芥、咳嗽
加桑皮、兜鈴、氣壅加烏藥、香附、血壅加桃仁、紅花。
鬱悶加細辛、便閉加枳實、大黃、小便不通加木通。
澤瀉、暑熱加香薷、厚朴、喉痛去川芎。加薄荷、射干、
牛蒡、心煩去川芎。加黑梔。

【悶痧】痧毒沖心。發暈悶地。絕似中暑。中風。即時而
死。此痧之至急者。如略有甦醒。急速扶起。放痧。仍
不愈。宜審脈服藥。施療。如不醒。須辨症確實。用藥
救醒。隨手扶起。放痧。再為服藥調理。

【紅痧】膚隱紅點。如瘡疹之在肌表。外用刮痧。內服
荆防連陳方（方見前陽痧治法下）。

【緊痧】忽起急痧。霎時暈倒。半刻即死。急為之放痧。
焯刮。並服滌痧丸（大藥舖中均有出售）可救。

【慢痧】痧之慢者。或十日半月而死。或三四月而死。
必須速治。遲則痧毒蔓延。滯結在裏者。先壞臟腑。

在中者先損經絡。在表者先潰肌肉。因循失治。必成死症。初患本症。邪氣勝。元氣衰。隔旬日而發。久則日近一日。蓋由胃氣衰弱所致。當用刮痧放痧。俟痧退盡。遂用食鹽（炒）明礬。火飛各一兩。川烏（泡）甘草各五錢。乾薑三錢。共研細末。米飯爲丸。每服一錢。白湯溫下。

【暈痧】痧毒內攻。昏暈跌倒。毒血一衝。必壞臟腑。蓋毒血與食積痰氣。結聚胸膈心腹之間。經絡不轉。氣血不通。雖欲刮放而痧不出。治法視其食積痰血氣阻。及暑熱伏熱穢觸之類。急用藥消散。俟胸膈一清。昏暈自醒。然後驗筋刺之。再服萊實丸。或廣脂丸。萊實丸處方。萊菔子。枳實。厚朴。各七錢。仙子。廣皮。三稜。莢。各六錢。薑黃。沈香。檳榔。各五錢。白蔻。烏藥。各四錢。木香。三錢。水丸。葦荳。大。每服三十九。砂仁。湯稍冷送。廣脂丸處方。廣皮。靈脂。各一兩。薑黃。仙子。三稜。莢。莖。青皮。各一錢。枳實。六錢。烏藥。薤白。仁。各五錢。木香。沈香。各二錢。阿魏。一錢。丸。

法服法同上。

【暗痧】心中悶悶。欲食不食。行坐如常。卽飲溫熱湯。不見凶處。並無心腹腰背疼痛。但面容憔悴。日甚。倘不施治。亦能成大害。此爲暗痧之慢而輕者。放之卽愈。更有頭痛發熱。心中作脹。類於傷寒。有寒熱往來。似乎瘧疾。有咳嗽煩悶。似乎傷風。有頭面腫脹。兩目如火。有四肢紅腫。身體不能轉側。此暗痧之慢而重者。誤飲熱湯熱粥。益覺沈重昏迷。喘急發狂。遇此等痧症。當審脈辨症。在表者宜刮。在中者宜放。在裏者宜服於宜服丸散。或煎劑連服數劑。再加調理。

【瘟痧】寒氣鬱伏肌肉間。至春而發。暑熱凝滯血肉中。至秋而發。是謂瘟痧。秋瘟尤易傳染。其症寒熱似瘧。腹痛或不痛。或喘急面腫。或兼下痢。濃血。輕症纏綿。重症危急。宜先放痧。消散食積。俟痧毒已洩。判解清理。最後用山查二兩煎濃湯。加細辛。麥芽。前胡。陳皮。菖蒲。子。腹皮。黑荳湯泡洗。各一錢。

水煎稍冷服。

【滿痧】初起跌倒。牙關緊閉。不省人事。捧心拱起。鼻塌耳鳴。急為大放毒血。並進以金七丸。處方見前。烏痧治法下。

【瘋痧】一人患大麻瘋。眉髮脫盡。手足拘攣。遇一老者為之放痧三次。指定為痧瘋。并傳一方。命每日煎服。果然日漸告痊。麻瘋痧方。銀花六錢。苦參四錢。牛膝三錢。生地赤芍紅花各二錢。黃芩一錢五分。角刺一錢。酒水各半煎服。每日一劑。至愈為度。

【銅痧】頭而眼珠及全身盡如薑黃色者。是名銅痧。由邪熱攻手脾胃。而脾土本色現手外。且為濕熱薰蒸。故發黃。宜用大黃三錢。茵陳連翹瓜蒌枳實。桃仁青皮赤芍銀花酒芩山梔各一錢。水煎微溫服。

【鐵痧】頭面四肢及十指。盡如鍋煤色。宜用棉花蘸火酒擦身。次刺委中穴。出紫黑血兩杯。卽愈。

【痧塊】痧症刮放未盡。未用藥消。以致痧毒流滯成

塊作痛。有氣痞痛。血塊痛。食積塊痛之別。治法在氣分用沈香砂仁之類。血分用桃仁紅花之類。食積用檳榔之類。相兼者用砂仁。藟子各八錢。五靈脂六錢。木香沉香各五錢。檀香三錢。研極細水法為丸。如菘荳大。每服五分。白湯送下。

【絞腸痧】霍地腹中絞腸大痛。如割如刺。如筋吊。如板硬。如繩縛。輕者絞腸稍微。脹悶非常。放血可愈。若不愈。宜按察派理。辨明暑穢食積。白痰所阻。施以藥治。方用細辛。荆芥五錢。降香三錢。鬱金二錢。共研極細。每服三匙。清茶稍冷送服。凡痧氣內攻而脈伏者。用元胡。藟子。白芥。三稜。蓬蘽各一錢。青皮。烏藥。枳殼各八分。紅花七分。香附四分。水煎稍冷服。

【抽筋痧】兩足抽筋疼痛。甚至一身青筋。脹起如箸。粗急將處處大刺。放去毒血。并用神麴。查肉。靈脂。藟子。枳實。青皮各一兩。蓬蘽厚朴各八錢。三稜。檳榔各七錢。黃黃。烏藥。藟仁各五錢。木香。沈香各三

錢阿魏丁香各二錢。水丸菴荳大每服十九紫荊皮煎湯下。

【落弓痧】猝然昏迷不醒。或痰喘眼吊。形如小兒落弓症。此係暗痧。必須審脈辨症。再看身體涼熱唇舌潤燥而施治之。凡熱渴昏悶。目翻脈細者。用細辛一兩。荊芥五錢。降香三錢。鬱金二錢。共爲細末。每服三匙。清茶稍冷送服。

【噤口痧】痧氣壅盛。熱痰上昇。阻逆氣管。咽喉閉塞。不語無聲。宜先放痧。次辨諸經絡。宜用烏藥。青皮。陳皮。山查。紫朴。等分。加水煎稍冷服。痧筋不現。加細辛。荊芥。痰多加貝母。白芥。如因怒傷肝。痧氣阻遏肝經。宜刺腿彎三針。流血如注。又刺頂心。臂指十餘針。乃用木香。沉香。檀香。烏藥。青皮。陳皮。山查。紫朴。延胡。香附。各等分。水煎服。

【蛔結痧】痧氣攻胃。蛔死入大腸。與宿糞相結。腹中便作大痛。又有胃中熱脹。過甚。蛔不能存。因而上湧。乘吐而去。或蛔結腹痛。大便不通。或由大便出。

蛔。此與傷寒吐胃不同。治宜清痧。服爲主。方用檳榔。陳皮。山查。薔子。薄荷。連翹。香附。熱大黃。各等分。水煎。加砂仁末五分。木香二分。磨冲稍冷服。

【羊毛痧】腹脹連背心或腰膈。如芒刺痛。用燒酒瓶頭泥。研末篩淨。燒酒作團。輒擦痛處。卽有白毛粘團上。

【羊筋痧】腹痛。渾身板痛。用小針刺破胸前或腦背。

挑出筋或毛。見毛卽爲羊毛痧。藥用滌痧丸。

【撲蛾痧】痰涎壅盛。喘急作鋸聲。喉間作痛。絕無腫。

脹。與喉風喉蛾絕然不同。且有痧筋可辨也。治法。

喉痛吹藥。用天竺黃。硼砂各二錢。硃砂一分。元明。

八厘。冰片五厘。共研細末吹喉。又湯藥用甘菊。牛。

蒡。薄荷。老蘇。梗。川貝。銀花。連翹。枳殼。各一錢。桔梗。

五分。烏藥四分。水煎微溫冲薑便服。

【角弓痧】心胸脹極。痧毒內攻。故頭項向上。形如角。

弓反張。是臟腑已壞。死症也。急用滴燒酒。將毛青。

布蘸抹手足拘急處。并噴其遍體。少頃鬆動。然後。

進藥用細辛一兩。荆芥五錢。降香三錢。鬱金二錢。共為細末。每服三匙。清茶稍冷送服。有效。

【脫腸痧】腎縮面黑。小腹急痛。氣喘出冷汗。用連鬚葱白三莖。研爛。加黃酒四碗。煮至兩碗。分三次溫服。又用炒鹽乘熱熨臍下氣穴。令氣熱。

【紫疱痧】痧不內攻而外潰。為腫為毒之外。又有發為紫疱血者。治法先刺腿彎痧筋。發現處五針。又指頭十餘針。盡去毒血。如脈象轉和。用菘蕪澤蘭。紅花。川芎。桔梗。桃仁。烏藥。牛膝。水煎溫服。

【血沫痧】脹悶廢食。兩脇疼甚。口出痰血沫。如西瓜瓢。治法用薰陸香為君。佐以季奴。茜草之類。即愈。

【身重痧】痧症始末身重。若飲熱湯。痧毒阻遏。遍身重痛。不能轉側。放痧後。急宜消痰解毒。久則難治。放痧不效者。死。曾有人患此症。放痧後。用荀子山查各二錢。赤芍。枳壳。歸尾各一錢。紫朴八分。微冷服。

【遍身腫脹痧】暑熱疫毒攻裏。元氣實。內不受邪。即

散於肌肉。為腫為脹。誤飲熱湯。便成大害。治法先放痧。刺腿彎青筋及指頭。內服治痧仙劑。方用細辛一兩。荆芥五錢。降香三錢。鬱金二錢。研細。每服三匙。冷茶湯送。

【心煩嗜眠痧】痧冲心胸。故心煩。或好睡。此為慢痧。若誤以心煩嗜眠治之。痧必加重。誤飲熱湯。熱物。痧必漸凶。往往不治。治法刺血為主。可不藥而痊。

【遍身青筋痧】症狀面青如靛。滿身青筋。脹起如箸。痛自小。攻腹上胸脇。常現困倦狀。治法針刺委中。曲池兩穴。黯血如注。少甦。用火酒及滌痧丸立效。

【霍亂痧】本症有真性霍亂與乾霍亂之別。真性霍亂上吐下瀉。四肢厥冷。腹痛如絞。宜用灸。凡痛而不吐瀉者。名乾霍亂。是毒入血分。宜放痧。刺去毒血。倘夾新食。必須令吐。先飲稍冷鹽湯。并以鵝羽探喉。令吐。吐盡即愈。久食宜消。下結宜攻。痛而吐瀉者。毒入氣分。宜刮痧。有痧筋則放。若吐瀉而後痛者。因其瀉糞穢觸。宜用藿香正氣。須防食積血。

滯。凡山藥伏苓燥溼之劑不可亂投。乾薑亂盤腸大痛者。先放痧。內服治痧仙劑（見上）。

【痧痢】先起泄瀉。感受穢氣。卽成痧痛。亦有因炎熱疫癘積滯而發者。夫痢不兼痧。積去便輕。無一兼犯。止痢無效。或變如豬肝色。屋漏水。血水等。或變噤口才食。或變休息久痢。治法宜先治痧兼治積。則痧消而積易去。積去而痧可清矣。治法先用刮放。俟其痛去或半服。治氣壅血阻丸。砂仁湯。下方用廣皮靈脂各一兩。薑黃。仙子。三稜。莪朮。青皮。各七錢。枳實六錢。烏藥。白蔻仁。各五錢。木香。沉香。各二錢。阿魏一錢。水丸。葶藶大。每服三十九。砂仁湯下。

【傷寒兼痧】凡傷寒頭痛寒熱兼之。受暑觸穢感疫。並發痧症。頗難辨別。惟有從脈理與痧筋上明察之。治法先治痧。輕者刮。重者刺。俟痧退乃治傷寒。倘誤飲熱湯與葷引慢者。猶可緊者。立見凶危。有患傷寒十四日。忽者昏沉身重。作傷寒治不醒。是

係痧氣冲心。痧入血分經絡。故身體不能轉。側先行放痧。後用治痧因積滯方。藟子二錢。赤芍。檳榔。連翹。銀花。山查。各一錢。桔梗。防風。烏藥。延胡。枳殼。各七分。加水兩碗。煎八分服。痧退復治傷寒而痊。

【頭痛痧】毒中臟腑之氣閉塞不通。上攻三陽頭頂。故痛入腦髓。發暈沉重。不醒人事。名眞頭痛。且夕死。急刺頭頂洩毒藥。以破毒破臟爲主。如痧氣上冲三陽。頭面肌肉腫脹。目閉耳塞。心胸煩悶。急刺頭頂。及其餘青筋。藥宜清血破壅爲主。當用治痧。痰壅塞方。貝母二錢。薑黃一錢。橘紅。細辛。各八分。青皮。紫朴。各七分。荆芥。六分。烏藥。五分。水煎。冲砂仁末五分。微冷服。

【心痛痧】心中忽痛。忽止。痰涎迷悶者。屬氣。當刺手臂。服順氣藥爲主。如心中大痛不已。昏沈不醒者。屬血。宜刺腿變。服活血藥爲主。治宜從速。遲則難救。有人心中暴痛。痰涎迷悶。先刺痧筋二十針。內服痧氣內攻方。元胡。藜子。白芥。三稜。蓬蘽。各一錢。

青皮、烏藥、枳殼各八分、紅花七分、香附四分、水煎稍冷服。

【腰痛散】發痧而腰痛難忍者。乃痧毒入腎所致。若再誤飲熱湯。必致煩躁昏迷。搦搐舌短耳聾。勢益危篤。如刺血不流。宜服痧毒中腎方。牛膝二兩、白蒺一兩、大紅鳳仙花、桃花、紅花、各七錢、降香五錢。共研極好粉末。篩淨。每服二三錢。黑砂糖童便沖服。兼看腿彎有痧筋。發現刺二針。血流。再服藥二帖。

【小腹痛痧】毒入大小腸。小腹大痛。形如板推。脹悶不能屈伸。此係暑火流注臟腑。宜服六和湯。（厚朴一錢五分、赤茯苓、香扁豆、木瓜、蒼朮各一錢、杏仁、半夏、人參、杏仁、甘草、各五分。）或用炒鹽和陰陽水服。探吐痰涎。或服痧毒入小腸方。牛膝二錢、蒲黃、連翹、白朮、木通、銀花、延胡、澤蘭、細辛、丹皮各一錢。加童便溫服。

【流火流痰痧】痧毒傳變。忽手忽足。或為痰喘。來去

不常。痧脈不現。最難認識。有熱似流火。腫似流痰。或痛極難忍。如有痧筋發現。刺之無疑。然後審察脈理。照風寒暑濕食積痰血氣阻分治之。有人兩小腿紅腫大痛。六腹如常。腿彎有青筋三條。刺血甚多。反加痰喘。內服治血滯方。寄奴、紅花、赤芍、茜草、丹皮、荆芥各一錢、白蒺八分、烏藥五分、香附三分、加土貝母二錢。煎服一劑。兩腿稍愈。次日又刺左腿彎痧筋一條。顛頂一針。服前方加牛膝三錢。痧即退。再服治血痰方。青皮、紅花、蒲黃各一錢。枳殼六分、香附四分、貝母二分。水煎溫服一劑而全愈。

【頭眩偏痛痧】痧發緩慢。惟覺頭眩內熱。或半邊頭痛。心煩不安。先用刮痧。不愈。則用清熱下氣之劑。【痰喘氣急痧】先發痰喘氣急。繼發痧脹。當先治痧。後治痰氣。毋令痰為本病之助。先有痧脹。繼以痰喘氣急。但治痧而痰氣自愈。若痧有寒熱不清。痰喘氣急者。宜和解痧。有但熱無寒而喘急者。宜消

食順氣。有大小便不通利而喘急者。有痢下膿血而喘急者。治法因症而異。先發痧脹則輕者。刮重者。刺內服一痰涎喘急丸為最宜。方用胆星、竺黃、各三錢、雄黃、硃砂、各五分、麝香、牛黃、各三分、甘草水丸如梧子大。每服二九。淡黃湯稍冷下。

【半身不遂痧】慢痧遲緩。中於血分留滯經絡。或左或右。半身疼痛。或麻痺。遂成半身不遂。見痧筋急刺破。用藥以散毒消瘀為主。方用丹參、旋覆山、查榜、紅澤、蘭角、刺山甲、薑黃、延胡、赤芍、水煎服。

【腫目怪痧】毒火上沖。逆侵厥陰肝母。故雙目紅腫如桃。甚則眼球突出。或心中煩悶。苟不早治。痧毒已參陽位。火勢炎極。輕則壞目。重則殞命。當先刺顛頂。以洩毒氣。并用活血清火順氣之劑。加牛膝石斛。以引火歸原。若心中煩熱。目腫大痛。左目尤甚。至晚即昏。擊者內服眼目奇痧方。黑楸、連翹、丹皮、草決明、石斛、銀花、枳殼、牛膝、赤芍、茜草、水煎臨服加童便。眼珠即收。若自紅起障。此痧之餘毒在

肝者。內服用穀精、黃連、木通、甘菊、木賊、赤芍、羌活、荆芥、羚羊、生地、生草、大黃、望月沙、水煎服。

【痧變發斑】發痧後發現紅色痧粒。主有渾身成片斑爛發熱頭暈者。方用荆芥、防風、各一錢、連翹、陳皮、青皮、各八分、川芎三分、稍冷服。食不消如山查、葡萄子、有積加檳榔、痰多加貝、芥咳嗽加桑皮、兜銓、氣藥、加桃仁、紅花、大便不通、加枳實、大黃、小便不通、加木通、澤瀉、暑熱加香薷、厚朴、喉痛去川芎、加薄荷、射干、牛蒡。

【痧變微脹】慢痧經久不愈。留滯肌膚腸胃中。若不早治。即成真痧。有人氣脹飽悶。臍下青筋突起。心坎將平。此為慢痧成臟。刺出毒血。念餘針。臍筋即淡。腹內寬鬆。內服治痧仙劑（見前）而脹漸消。【痧變癆瘵】痧忌飲熱。有反喜飲熱湯者。症益莫識。慢痧因此漸成癆瘵。蓋毒入氣血傷肺。喘嗽吐痰。發熱聲啞。肺為嬌臟。若不知治。變成百日緊癆。則殆矣。毒瘵胃口。必須去淨。乃愈。毒瘵肝經心胞絡。

者更加凶險。毒瘀腎經。腰脊疼痛。嗽痰咯血。凡痧毒遺患。總成癆瘵。治宜從早。有人痧脹。放痧三次。胃脘間成一塊。咳嗽吐痰。發熱不食。日漸羸瘦。脈緊而數。此為內有瘀血。必吐出方解。用桃仁蘇木澤蘭白朮香附烏藥酒煎服。吐出紫黑血碗許。更用活血引下之劑。加重便酒服而愈。

【內傷兼痧】先治痧症。後治內傷。有一老婦因爭產相毆。發熱嗽痰。胸中脹悶。診知是內傷兼痧。刺痧租念餘針。服治痧仙劑（見前）稍鬆。再服治內傷痧方。丹參紅花烏藥赤芍桃仁澤蘭延胡獨活陳皮等分煎服。治其內傷。服後下黑糞。瘀消症平。後用芎歸補虛湯。川芎當歸熟地白芍人參茯苓白朮生甘草陳皮黃花水煎。空心服。並前虛症亦除。【弱症兼痧】先有勞弱症。或吐血。或乾咳。類唇鮮紅。或骨蒸發熱。一染時氣。觸必兼痧症。於是痰喘煩悶。平時諸不足症。益覺痧重。宜先治痧。後治弱症。審視腿彎青色痧筋。先放痧。脈和症平。再用散

痧消食去積滯。飲食漸進。後用六味九十全湯。常症亦愈。

【老病兼痧】先有痰火喘急。兼感時氣穢觸。驟然勢盛者。宜察脈按症。先清痧。後治痰。漸補氣血。先刺出惡血。內服散痧消食豁痰順氣藥。候痧退盡。然後大補氣血。

【痧後胸膈痛】痧已退盡。留瘀胸膈作痛。宜服失笑散。靈脂（去砂炒）蒲黃（炒）等分。為細末。每服二錢酒下。

【痧後牙疳】用牙疳散吹之。人中白三錢。官礪。花粉。青黛各一錢。兒茶。雨前茶。薄荷。甘草。黃連各五分。冰片一分。珠子。牛黃各五厘。細研至無聲。用濃茶拭淨患部腐肉。以此藥吹之。一日二三回。

【婦女倒經痧】遇痧經阻。或鼻紅。或吐紅。腹腫脹。不能轉側者。是也。腹不痛者。為暗痧。急先放痧。內服行經散。痧方。桃仁香附青皮紅花山查獨活細辛等分。水煎加重便飲。

【胎前痧痛】胎前痧痛。衝絞可畏。凡安胎藥。如白朮。當歸。茯苓之類。痧所大禁。而治痧之破氣破血劑。又爲胎氣所忌。無禁忌者。活血解毒。宜用銀花。丹參。益母。紅花。寄生。順氣宜用香附。陳皮。紫朴。砂仁。烏藥。散痧宜用荆芥。防風。獨活。細辛。消食積用查。菊。神麵。麥芽。採擇於中。最爲穩當。如細辛。紅花等。剋伐藥。少用爲宜。一婦娠六月發痧。左手脈伏。面目微黑。乃刺腿彎六針。少愈。服胎前痧症方。益母。香附。紅花。荆芥。菊子。神麵。桑寄生。細辛。水煎。冲砂仁。末服得安。再進小柴胡湯而退熱。

【胎後痧痛】產後藥須溫。緩痧脹藥宜清涼。既屬相反。處方甚難。斟酌其間。散瘀用獨活。細辛。破血用桃仁。紅花。順氣用香附。烏藥。陳皮。解毒用銀花。紫地丁。消食用查。菊。神麵。麥芽。產後利用菴桂。以溫血痧症所禁。痧症利用荆芥。防風。以散痧。連翹。薄荷。以散熱。俱爲產後所忌。痧脹用大黃。枳實。檳榔。以通積滯。產後皆非所宜。一婦產後三日腹痛如

絞。脹如膨。惡露不通。按產後痛當在小腹。而大腹絞痛。脈象洪數有力。是係產後痧。先飲童便一杯。刺出毒血。痛稍定。內服痧因血鬱方。桃仁。紅花。獨活。白。蒺。妙。延。胡。蒲。黃。烏。藥。各一錢。枳殼七分。香附三分。水煎。微溫服。痧退而惡露通。又一婦產後六日。遍體疼痛。寒熱如瘧。昏悶異常。六脈歇止。見指甲帶黑。刺指尖七針。舌底紫黑。血一針。稍緩。用產後去邪方。山查。銀花。丹參。益母。柴胡。牛膝。獨活。烏藥。石斛。陳皮。細辛。水煎。連服四劑而愈。

【小兒夾驚痧】小兒一時痰壅氣急。眼目上翻。發搐。眼滿。單作驚治不愈。速看痧驚。放血額上。現痧急。用大燄。先令痧退。後治驚。若執驚風治。必死。內服痰涎喘急方。胆星。竺黃。各三錢。雄黃。硃砂。各五分。麝香。牛黃。各三分。甘草水丸。如梧子大。每服二丸。淡薑湯稍冷服。

【瘧前痧脹】瘧本先天。因時而發。痧亦時氣所感。而胎元之毒。因之俱發。凡痘未見點前。痧脹必然煩

闕痰涎。甚至昏迷不醒。脈象滑疾。類似痧症而難斷定。必俟有痧筋可辨。亦不宜用針單用內服藥。清之以散痧。發瘴方為最宜。連翹、枳殼、荊芥、防風、牛蒡、桔梗、青皮、紅花、山查、菖子、水煎服。痧退而瘴起。

【痘後痧脹】痘後氣虛。一遇暑侵穢觸。即成痧脹。忽然生變。有一七歲兒。痘後脫痂光潔。行步如常。迨二十五朝。忽然叫喊發暈。脈細微而伏。痧筋歷歷可指。急進以治血滯。合治痧方。藥用寄奴、紅花、赤芍、茜草、丹皮、荊芥各一錢。白朮（研末）八分。烏藥五分。香附三分。細辛、麥芽、前胡、陳皮、菖子、腹皮、黑豆湯泡洗。各一錢。先將山查煎湯。後入各藥煎濃。稍冷飲。即醒。忽覺小腹痛而變痢。用當歸五錢。山查一錢。熟軍五分水煎。加重便微濕服。即愈。

【瘡症兼痧】有一婦人。患瘡半載。一日酒後血熱。且食鷄鵝等發物。瘡膿狂湧。與以涼藥解毒藥。更覺昏迷飽悶。脈象沈微。且有痧筋。顯係兼發痧症。即

刺頭頂一針。刺指頭數針。稍覺清爽。內服治痧熱毒方。羌活、牛蒡、當歸、牛膝、荊穗、連翹、木通、青皮、蟬蛻、紅花、等分水煎溫服。又服消痧後餘毒方。荊芥、牛蒡、土貝、甘菊、銀花、甘草、連翹、木通、紅花、紫花地丁、等分。胡桃肉一枚。水煎溫服。

【痧症救急祕方】生黃豆細嚼不覺豆腥。是痧入口。即覺豆腥非痧。芋苳帶毛生嚼不麻口。以上二方可試痧亦可解毒。燒鹽湯待冷灌下。探吐。或鹽放鏟頭燒紅。淬水中飲。明礬末用陰陽水（河水井水各半）調服。少至二錢多至三錢。以上二方為吐新食阻隔痧毒之法。陰陽湯（涼水沸水各半對沖）飲之。去痧。陰陽水飲之可解中渴。白沙糖攪梅水服。細辛末同砂仁湯冷服。此法治氣濕受寒痧。脫蠶砂研細冷白滾湯沖服。蘿蔔莢子煎湯飲。蘆柴根湯微溫服。蘆粟子或粟梗煎湯待冷服。葦荳煎湯溫服。菜油二兩。麝香一錢。昏迷欲死者調下立甦。

絲瓜葉搗汁飲。治痧兼可止霍亂。伏龍肝卽灶心土泡水飲止嘔吐。陳樟木陳皮等分東壁土水煎連進三四服。蕎麥炒焦去殼爲末溫湯調三錢服。

【刮痧法】擇一光滑細口磁碗。另用熱湯一盃。入香油一二匙。將碗口蘸油湯內。使之煖而且滑。用手覆執其碗以邊向病者背心輕輕向下刮之。以漸加重。碗乾而寒。則再浸再刮。良久始覺脹悶漸消。刮法先刮背脊骨。次刮左右兩背筋。兩肩胛。頭頸臂彎等處。以現紅紫色痧眼爲度。能治心腹急痛痧。

【鍼灸法】刺委中穴出血。或刺十指頭出血。皆是良法。西北人病傷寒而熱入血分而不解者。悉刺兩手攏中出血。謂之打寒。病傷寒霍亂者亦宜此法。治之霍亂危急。用鹽填臍中。灸二十七壯。立愈。如霍亂吐瀉不止。灸天樞氣海中腕三穴。立愈。轉筋十指拘攣不能屈伸。灸足踝骨尖上七壯。霍亂絞

腸痧。針刺手指近甲處一分半許。出血卽安。宜先自兩臂撻下。令惡血聚於指頭。然後刺之。

【如聖散】治當心痛。遍身骨節牽疼。或嘔吐惡心。不時發作。兼可補痧症所不逮。枳殼麴炒三錢。小茴微炒三錢。鹽磚鏟上燒紅三分。爲細末。每服二錢。溫酒調下。如不愈。再服一錢。

【祛瘴辟瘟丹】治時疫痧瘴。老幼男女通用。厚朴、蒼朮、羌活、防風、陳皮、枳實、香附、牛蒡子各一錢。檳榔、白芷各八錢。藿香、川芎各五分。細辛四分。甘草三分。薑葱煎服。無汗加蘇葉薄荷。口渴花粉葛根。

【加味活命飲】一切痧後留滯熱毒。發爲癰腫。發背疔疽。穿山甲（土炒）銀花、大黃各三錢。陳皮、歸身各錢半。花粉、生地、防風、赤芍、薄荷、白芷、貝母、甘草、節乳香各一錢。沒藥、淨角刺各五分。以上三味後下。毒在腹加重白芷。在背加重刺角至一錢半。在胸加杏仁二錢。在頭面手足加銀花五錢。加水入大瓦瓶。封口煎。溫服。倒睡。忌鐵器酸味諸毒物。

【六一散】降火利竅解煩渴方用水飛滑石六兩粉草末一兩夏月涼水調飲加硃砂名益元散治小兒身熱咳嗽微帶驚風者燈芯湯調服。

【腹痛治法】取大公鷄一隻令患者仰臥使鷄伏其肚上肚痛止鷄即跳下而愈此法屢試屢驗。